



SOGNDAL KOMMUNE

Kommunale regler for sal og skjenking av alkohol 2016 -2020

Innstilling til
kommunestyret

Innhold

1. Innleiing	2
1.1. Bakgrunn for planarbeidet	2
1.2 Lovgrunnlag og kommunalt ansvar	2
1.3 Aktuelle lover og kommunale planar	4
1.4 Arbeid med planen	4
2. Omtale av rusmiddelsituasjonen	5
2.1 Nasjonalt.....	5
2.2 Regionalt og lokalt nivå	6
3. Ruspolitisk handlingsplan 2016 – 2020	6
3.1 Kommunale retningslinjer for sals- og skjenkeløyve.....	6

1. Innleiing

1.1. Bakgrunn for planarbeidet

Rammene for utvalsarbeidet vart fastsett i møte 18.03.2016 for Utval for velferd, oppvekst og kultur. Utvalet fatta slikt vedtak:

«Utval for velferd, oppvekst og kultur vil utarbeida ruspolitisk handlingsplan i samsvar med saksframstillinga. Dette inneber at plandokumentet i hovudsak skal omhandla kommunen sitt reglement for sal og skjenking av alkohol. Reglementet skal leggjast til grunn for tildeling av sals- og skjenkeløyve for perioden 01.07.16 til 20.06.20.

Som ein del av dette arbeidet skal utvalet gje ein kort omtale av rusmiddelsituasjonen, det skal innhentast informasjon og synspunkt frå fagorgan – i og utafor kommunen og næringa skal høyrast. Planen skal handsamast i kommunestyret i juni.

Planavgrensinga inneber at ny oppvekstplan og revisjon av gjeldande plan for helse- og omsorg må omtala russituasjonen i kommunen og tiltaka på området.»

1.2. Lovgrunnlag og kommunalt ansvar

Folkehelselova har stor innverknad på korleis kommunane skal organisera og løysa oppgåvene innafor rusfeltet. Føremålet med folkehelselova er å leggja til rette for ei samfunnsutvikling som fremjar folkehelsa og utjamnar sosiale helseskilnader i befolkninga gjennom auka fokus på førebygging og folkehelsearbeid. Lova stiller krav om at kommunane skal fremja folkehelse innafor alle dei oppgåvene som ligg til kommunen. Det tyder at ansvaret for folkehelsa ligg til kommunen som kommune og er ikkje avgrensa til helsetenestene. Slik skal kommunen bruke alle verkemiddel for å ivareta og fremje god helse.

Utgangspunktet for norsk alkoholpolitikk er at alkohol er ei lovleg vare, men at det er naudsynt med ulike verkemiddel for å avgrensa skadeverknadane som følgjer av forbruket. I alkohollova sitt føremål heiter det

§1 .1: Regulering av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkohol kan innebære. Som et ledd i dette sikter loven på å begrense forbruket av alkoholholdige drikkevarer.

Alkohollova regulerer tilgangen til alkoholholdig drikk, m.a. gjennom ordninga med sals- og skjenkeløyve, opningstider, vilkår for korleis sal og skjenking skal gå føre seg og kontroll med at løyvehavarane følgjer vilkåra. Prinsippet bak det kommunale løyvesystemet er at tilgang til alkohol i all hovudsak skal bestemmast på kommunenivå.

Alkoholholdig drikk er etter alkohollova nytta som ei fellesnemning for:

- Gruppe 1: Drikk som inneheld over 2,5 og høgaste 4,7 volumprosent alkohol.
- Gruppe 2: Drikk som inneheld over 4,7 og mindre enn 22 volumprosent alkohol.
- Gruppe 3: Drikk som inneheld frå og med 22 til og med 60 volumprosent alkohol.

Denne inndelinga er òg gjennomført for aldersgrensa for sal og skjenking av alkohol. I gruppe 1 og 2 er aldersgrensa 18 år, for gruppe 3 20 år.

Tidsinnskrenking for sal av alkohol gruppe 1, 2 og 3

Frå 01.01.2015 kom det nye opningstider for sal av alkohol i gruppe 1, 2 og 3 då det vart opna for alkoholsal på nyttårs-, påske- og pinseaftan, i tillegg til valdagar. Sal frå Vinmonopolet sine utsal kan skje frå kl.08.30 -18.00. På dagar før sundag og helgedagar skal salet stoppa kl. 15.00. Opningstidene for Vinmonopolet kan likevel ikkje vera lenger enn fastsett salstid for anna alkoholomsetnad i kommunen.

Normal- og maksimaltider for sal og skjenking av alkohol gruppe 1,2 og 3, jf. Alkohollova § 3-4, § 3-7 og § 4-4

Alkohollova	Normaltider	Maksimaltider
Salsløyve for øl/opptil 4,7 volumprosent		
• Kvardagar	08.00 – 18.00	08.00 – 20:00
• Dagar før sun-/helgedagar	08.00 – 15.00	08.00 – 18.00
• Sun-/helgedagar med unntak av Kristi Himmelfartsdag, 1. og 17. mai	Forbod	Forbod
Skjenkeløyve		
• Øl og vin (gr. 1 og 2)	08.00 – 01.00	06.00 – 03.00
• Brennevin (gr.3)	13.00 – 24.00	13.00 – 03.00

Nytt nasjonalt reaksjonssystem

Frå 1. januar 2016 er det innført eit nasjonalt reaksjonssystem ved brot på alkohollova og for dei pliktene som ligg for dei som har løyve.

Det er alkohollova/-forskrifta sine reglar om prikktildeling og inndraging av løyve som skal leggast til grunn for sals- og skjenkeløyve.

Dersom løyvehavar i løpet av ein periode på to år vert tildelt til saman 12 prikkar, skal kommunestyret inndra løyvet for ei veke. Dersom løyvehavar i løpet av ein to årsperiode vert tildelt meir enn 12 prikkar, skal kommunestyret auka lengda på inndragingsperioden tilsvarande.

Systemet er slik:

§ 10-3.Følgjande brot fører til tildeling av åtte prikkar:

- salg, utlevering eller skjenking til person som er under 18 år, jf. alkoholloven § 1-5 annet ledd
- brudd på bistandsplikten, jf. § 4-1 annet ledd i denne forskriften - brudd på kravet om forsvarlig drift, jf. alkoholloven § 3-9 og § 4-7 - hindring av kommunal kontroll, jf. alkoholloven § 1-9.

Følgjande brot fører til tildeling av fire prikkar:

- salg og utlevering til person som er åpenbart påvirket av rusmidler, jf. § 3-1 i denne forskriften,
- skjenking til person som er eller må antas å bli åpenbart påvirket av rusmidler, jf. § 4-2 første ledd i denne forskriften
- brudd på salgs-, utleverings- og skjenketidsbestemmelsene, jf. alkoholloven § 3-7 og § 4-4 skjenking av alkoholholdig drikk gruppe 3 til person på 18 eller 19 år, jf. alkoholloven § 1-5 første ledd
- ledd brudd på alderskravet til den som selger, utleverer eller skjenker alkoholholdig drikk, jf. alkoholloven § 1-5 tredje ledd.

Følgjande brot fører til tildeling av to prikkar:

- det gis adgang til lokalet til person som er åpenbart påvirket av rusmidler, eller bevillingshaver
- sørger ikke for at person som er åpenbart påvirket av rusmidler forlater stedet, jf. § 4-1 i denne forskriften mangler ved bevillingshavers internkontroll, jf. alkoholloven § 1-9 siste ledd, jf. kapittel 8 i denne
- forskriften

- manglende levering av omsetningsoppgave innen kommunens frist, jf. kapittel 6 i denne forskriften
- manglende betaling av bevillingsgebyr innen kommunens frist, jf. kapittel 6 i denne forskriften
- brudd på krav om styrer og stedfortreder, jf. alkoholloven § 1-7c
- gjentatt narkotikaomsetning på skjenkestedet, jf. alkoholloven § 1-8 annet ledd - gjentatt diskriminering, jf. alkoholloven § 1-8 annet ledd.

Følgjande brot fører til tildeling av éin prikk:

- brudd på kravet om alkoholfrie alternativer, jf. § 4-6 i denne forskriften
- brudd på regler om skjenkemengde, jf. § 4-5 i denne forskriften
- konsum av medbrakt alkoholholdig drikk, jf. § 4-4 i denne forskriften
- gjester medtar alkohol ut av lokalet, jf. § 4-4 i denne forskriften
- brudd på krav om plassering av alkoholholdig drikk på salgssted, jf. § 3-3 i denne forskriften
- brudd på vilkår i bevillingsvedtaket, jf. alkoholloven § 3-2 og § 4-3
- brudd på reklameforbudet, jf. alkoholloven § 9-2, jf. kapittel 14 i denne forskriften andre overtredelser som omfattes av alkoholloven § 1-8 første ledd, jf. blant annet alkoholloven § 3-1 sjettemte ledd, § 4-1 annet ledd, § 8-6, § 8-6a, § 8-12 og § 8-13.

Kommunestyret fattar enkeltvedtak om inndraging av løyve på grunnlag av tildeling av prikkar. Vedtak om inndraging bør i verk setjast innan fire veker etter vedtaksdato.

1.3. Aktuelle lover og kommunale planar

Kommunen er gjennom ulike lover og reformer pålagt å gjennomføre ei rad oppgåver på rusfeltet.

Følgjande lover er særleg aktuelle:

- Lov av 24. juni 2011 nr. 29 om folkehelsearbeid
- Lov av 24. juni 2011 nr. 30 om kommunale helse- og omsorgstenester
- Lov av 18. desember 2009 nr. 131 om sosiale tenester i arbeids- og velferdsforvaltningen
- Lov av 17. juni 1992 nr. 100 om barneverntenester
- Lov av 02. juni 1989 nr. 27 om omsetning av alkoholholdig drikk mv (alkohollova)
- Lov av 02. juli 1999 nr. 63 om pasient og brukerretegheter
- Lov av 02. juli 1999 nr. 64 om helsepersonell

Tilsvarende vil det vera fleire kommunale planar som er viktig for rusfeltet. Dei viktigaste planane er:

- Kommuneplan – Samfunnsdelen 2016 – 2022
- Plan for helse og omsorg 2014 - 2022
- Fysisk aktivitet, idrett og friluftsliv
- Bustadsosial handlingsplan

1.4. Arbeid med planen

I brev til aktuelle organ¹ vart det informert om at kommunen hadde starta arbeidet med å revidera reglementet for sal og skjenking. Brevet spurde om innspel til planarbeidet og om mottakarane hadde særlege erfaringar med gjeldande sals- og skjenketider og kontrollfunksjonen i inneverande periode. Samstundes inviterte utval for velferd, oppvekst og kultur til eit møte den 28.april med formål å ha ein

¹) Sals- og skjenkeløyveinnehavarar, AS Vinmonopolet, ungdomsrådet, rådet for personar med nedsett funksjonsevne, ungdomsavdeling, helsestasjon, tenesteeiningane helse og sosial og NAV, Indre Sogn Psykiatrisenter, lensmannen, Høgskulen i Sogn og Fjordane, Sogndal vidaregåande skule, Mental helse, Pårørandegruppe for rusmisbrukarar, Ettervernsgruppa, Nattuglene ved Frivilligsentralen.

gjennomgang av alkohollova knytt til kommunen sitt skjønn. På møtet deltok m.a. representantar frå næringa, kommuneoverlege og koordinator for rusteamet i kommunen.

2. Omtale av rusmiddelsituasjonen

2.1. Nasjonalt

Det er menneske med rusproblem i ulike aldersgrupper og i alle deler av befolkninga. Dei fleste som utviklar eit moderat rusproblem klarar å handtere dette med eigen innsats og med støtte frå familie og nettverk, eller sjølvhjelpstilbod.

Bruk av rusmiddel kan knytast til ei rekkje skader og problem. Når det gjeld tap av leveår er alkohol rangert som nummer åtte av dei viktigaste risikofaktorane. Det er påvist at alkohol er risikofaktor ved 60 vanlege sjukdomar, m.a. fleire kreftformer og hjarte- og karsjukdomar.

17 prosent av befolkninga har eit risikofylt forbruk av rusmidlar. Mest risikofylt drikking finn ein blant menn i alderen 16 til 50 år.

Ungdataundersøkinga for ungdom mellom 13-16 år viser at dei unge sitt forbruk av alkohol har flata ut og frå tusenårsskiftet er det ein tydeleg nedgang.

Gjennom Brukarplan² har ein informasjon om personar med eit kjent rusproblem og som er mottakarar av kommunale tenester. Over 17 500 brukarar er kartlagde, og dette gjev eit anslag på om lag 40 000 personar på landsbasis med rusproblem.

Den registrerte alkoholomsetninga har auka med 33 prosent frå 1993 til 2014, og det er dei eldre som står for denne auken. Fleire eldre drikk alkohol no enn for 15 år sidan, og dei drikk meir og oftare enn før. At dei eldre vert stadig fleire og samtidig drikk meir alkohol vil kunna føra til fleire alkoholrelaterte problem i denne gruppa.

For personar med rusproblem vil avhengigheit ofte berre vera eitt av fleire problem. Ein rapport frå Folkehelseinstituttet viser at ruslidingar er opptil ti gonger høgare blant pasientar med alvorlege psykiske lidingar samanlikna med den generelle befolkninga. Ei nordisk undersøking viser at denne gruppa pasientar med alvorlege psykiske lidingar har om lag 20 år kortare forventa levetid enn befolkninga elles.

Forsking viser :

- At skadane som skjer i samfunnet på grunn av alkohol, vert påverka av kor mykje alkohol som vert konsumert.
- Rusførebyggjande arbeid skjer best ved tiltak som påverkar dei fleste til å redusera inntak av rusmiddel, i staden for å setja i verk tiltak for å få storforbrukarar til å redusera rusmisbruken.
- Kor lett det er å få tak i rusmiddel, og kor ofte ein har tilgang til rusmiddel og til kva pris, er avgjerande for kor mykje rusmiddel som vert konsumert.

²)Kommunalt registreringsverktøy som vår kommune skal ta i bruk frå hausten av.

2.2. Regionalt og lokalt nivå

Høgskulen i Sogn og Fjordane og Sogn og Fjordane politidistrikt har etablert eit samarbeid der dei gjennomfører ei årleg on-line undersøking av rusmiddelbruk i Indre Sogn³. Det er ei kartlegging av korleis ungdom i bygdene Sogndal, Kaupanger, Gaupne, Hafslo, Leikanger og Vik svarar på spørsmål om mellom anna forholdet til rusmiddelbruk.

Det ein først og fremst finn er slåande skilnader mellom vidaregåande skule og ungdomsskulane når det gjeld bruk av vin, brennevin og rusbrus. Alkoholforbruket er høgare i vidaregåande skule enn i ungdomsskulane. Mellom ungdomsskulane finn ein og skilnader, men dei er mindre tydelege. Kjønn spelar og ei rolle, særleg med omsyn til type alkohol, men og i høve sjansen for å bruka reseptmedisin. Foreldra si utdanning synest å vera ein faktor når det gjeld bruk av rusmiddel, risikoen vert redusert for høgare utdanningsnivå. Vidare viser undersøkinga at rusbruken i Sogn og Fjordane ligg under gjennomsnittet nasjonalt, det gjeld både for vidaregåande skule og ungdomsskulane.

3. Ruspolitisk handlingsplan 2016 – 2020

Sogndal kommune skal i løyveperioden leggja til grunn alkohollova sitt føremål om å avgrensa skader som skuldast alkoholbruk og redusera forbruket av alkohol. Samstundes skal kommunen vera ein attraktiv kommune å bu i. Kommunen skal leggja til rette for utvikling av infrastruktur og vera ein samarbeidspartnar for å utvikla eit variert, konkurransedyktig og berekraftig næringsliv. Til sist skal kommunen leggja vekt på livskvalitet og trivsel i utviklinga av eit trygt og berekraftig lokalsamfunn⁴.

Sogndal kommune sin alkoholpolitikk skal i løyveperioden 2016 – 2020 vera i samsvar med alkohollova § 2-1:

Sal og skjenking av alkoholholdig drikk skal foregå på en slik måte at skadevirkningene begrenses og alkoholpolitiske og sosiale hensyn ivaretas.

3.1. Kommunale retningslinjer for sals- og skjenkeløyve

Kommunen kan tildela to hovudtypar løyve:

SALSLØYVE	Eitt vinmonopolutsal
	Løyve til sal av øl og rusbrus opp til 4,7 volumprosent alkohol er avgrensa til daglegvarebutikkar. Det kan ikkje gjevast løyve til sal av øl og rusbrus til bensinstasjonar og kioskar, jf. forskrift til alkohollova § 3-4. Direkte sal av eigenproduserte drikkeveraer som eplevin, pærevin, mjød og vin framstilt av gjæring av frukt/bærsaft føreset nytt nasjonalt lovverk.
SALSTIDER	Departementet fastset opningstidene.
	Salstida for øl og rusbrus opp til 4,7 volumprosent alkohol vert frå Kl. 08.00 – 20.00 på kvardagar Kl. 08.00 – 18.00 på laurdagar og dagar før helgedagar

³ Ungdom og rus i Sogn. Resultat frå ein studie av rusbruk mellom ungdom i Sogndal, Vik, Leikanger og Luster i Sogn og Fjordane fylke, Høgskulen i Sogn og Fjordane og Politiet

⁴ Sogndal kommune sin *Kommuneplan – samfunnsdelen 2010-2022*

SKJENKELØYVE		
1.	Tal løyve	Det er ikkje avgrensing i tal løyve
2.	Type løyve	Type verksemd/vurderingskriterium
2.1	Generelt løyve for servering av brennevin, vin og øl	<ul style="list-style-type: none"> • Hotell • Restaurantar og andre serveringsverksemdar avgrensa mot eit vakse publikum der kommunen meiner at staden sin karakter tilseier at brennevinsservering kan forsvarast
2.2	Generelt løyve for servering av øl og vin (opp til 22 volumprosent)	<ul style="list-style-type: none"> • Reiselivsverksemdar som pensjonat, vertshus, mindre overnattingsverksemdar o.l. • Restaurantar med annan karakter enn restaurantar spesielt for brennevinsløyve, eller retta mot eit breiare publikum enn spesifisert for brennevinsløyve, jf. pkt. 2.1 • Pubar • Stader retta mot ungdom frå 18 år og eldre • Ferjer og båtar i chartertrafikk • Ute-serveringsstader
2.3	<p>Løyve til servering av vin og øl (opp til 22 volumprosent) ved enkeltarrangement</p> <p><i>Heimla i alkohollova § 1-6. 2.ledd siste setning.</i></p> <p><i>Søknadsfristen er minimum 14 dagar før arrangementet finn stad.</i></p> <p><i>Det skal innhentast uttale frå politi og sosialtenesta.</i></p>	<p>Forsamlingslokale med blanda føremål:</p> <ul style="list-style-type: none"> • Musea • Andre offentlege forsamlingslokale, ev. kombinert bruk som t.d. ungdomshus med spesielle arrangement, men ikkje i samband med idrettsarrangement <p>Løyve til servering av øl og vin ved enkeltarrangement skal vera i samband med særskilte arrangement. Det kan gjevast inntil 4 løyve pr. år til kvart forsamlingslokale.</p>
2.4	<p>Ambulerande løyve</p> <p><i>Heimla i alkohollova § 4-5.</i></p> <p><i>Søknadsfristen er minimum 14 dagar før arrangementet finn stad.</i></p> <p><i>Det skal hentast inn uttale frå politi og sosialtenesta.</i></p>	<p>Løyve til servering av brennevin, vin og øl som ikkje er knytt til ein bestemt person eller skjenkestad og skjenking i slutta lag. Det skal peikast ut ein styrar som er ansvarleg for løyvet, jf. § 1-7c.</p> <p>Det er ikkje øvre grense på tal ambulerande skjenkeløyve. Tildeling av ambulerande løyve/enkeltløyve skal ikkje kunna gjevast til stader som er unnateke for skjenking i lov, forskrift eller kommunale retningslinjer.</p>
2.5	Alkoholservering utan løyve	Privatpersonar som leiger/låner eit lokale kan servera alkohol utan løyve ved særskilte høve og i lukka lag – jf. Alkohollova § 8-9 siste lekk. Eit slikt fritak gjeld ikkje lokal organisasjonar som leiger/låner eit lokale.

3	INGEN LØYVE TIL	<ul style="list-style-type: none"> • Stader som spesielt retta mot ungdom under 18 år. • Lokale/arena som vert nytta til idretts- og mosjonsaktivitetar medrekna motorsport • Idrettsarrangement • Kantiner, kafear, restaurantar og anna areal i butikksenter innafor ordinær opningstid. • Sentrumsparken og anna parkareal, badeanlegg og liknande i sentrum.
4	SKJENKETIDER	Konsum av skjenka alkoholhaldig drikk må opphøyrast seinast 30 minuttar etter skjenketida er slutt, jf. Alkoholova § 4-4.
	Brennevin	Søndag- torsdag til kl. 24.00 Fredag-laurdag/søndag til kl. 01.00
	Vin og øl (opp til volumprosent 22) inne	Søndag – torsdag til kl. 01.00 Fredag-laurdag/søndag til kl. 02.00
	Vin, øl og brennevin ute/ uteservering.	Til kl. 24.00 alle vekedagar
	Utvida skjenketid	Utvida skjenketid til kl. 01.00/02.00 den 23.12, 26.12, 30.04 og 16.05. Det er ikkje naudsynt å senda søknad. Det vert ikkje gjeve løyve til utvida skjenketid ute.
		Utover dette skal det utøvast ei restriktiv haldning til søknader om utvida skjenketider. Berre tildeling kan skje ved spesielle arrangement, dvs. arrangement som ikkje er ei årleg hending eller oftare for den det gjeld, som t.d. jubileum.
5.	GEBYRINNTEKTER	Dei årlege gebyra som vert kravd inn skal nyttast til kommunen si utøving av kontroll med sals- og skjenkestadane, gjennomføring av kunnskapsprøven og førebyggjande tiltak.
6.	KONTROLL	Kommunen skal med heime i skjenkelova § 1-9 ha ansvar for kontroll med utøving av kommunale skjenkeløyve. Kontroll av sals- og skjenkestader vert gjennomført av leigde kontrollørar. For å sikra god eigenkontroll i verksemdene, vil kommunen oppmoda om at fleire enn berre skjenkestyrer og vara skjenkestyrar gjennomfører kunnskapsprøven etter alkoholova.
7.	INNDRAGING AV SALS- OG SKJENKELØYVE	Det er alkoholova /alkoholforskrifta sine reglar om prikktildeling og inndraging av løyve som skal leggjast til grunn ved brot på alkoholova.
8.	SANKSJONSREGLEMENT	Dersom kontrollørane etter kontroll meiner å påvisa brot på alkoholova/kommunale retningslinjer ved sals/skjenkestader, skal kontrollør skriva ein utfyllande, detaljert rapport til kommunen.

9.	SAKSHANDSAMING	Delegasjonsreglementet ligg til grunn for ansvarsdeling mellom kommunestyret – formannskapet og Utval for velferd, oppvekst og kultur.
10.	RAPPORTERING	Kommunestyret skal årleg få til handsaming rapport over skjenkeløyve, kontrollar, sanksjonar og omsetning.

VEDLEGG

Lokale data

Per 01.01.2016 var det registrert 7 839 innbyggjarar i Sogndal kommune.

	0-5år	6-15 år	16-19 år	20-44 år	45-66 år	67-79 år	80-89 år	90 år+	Sum
01.01.2016	533	967	408	2 870	1 965	771	262	63	7 839

Sogndal er ein studiestad, og ein reknar med at i tillegg til dei som bur her fast, er det mellom 1500 og 2000 elevar og studentar.

Skjenking: Samla omsetningstal frå verksemdene i kommunen, i liter

År	Øl	Vin	Brennevin	Sum
2008	96 004	8 009	1 428	105 441
2009	97 945	7 972	1 387	107 304
2010	93 515	8 113	1 194	102 822
2011	106 724	8 010	1 147	115 881
2012	94 022	13 471	1 365	108 858
2013	92 699	8 432	1 307	102 438
2014	115 215	13 567	1 651	130 433

Sal butikkar: Samla omsetningstal frå butikkane, i liter

År	Øl
2008	131 625
2009	294 068
2010	374 654
2011	368 254
2012	313 581
2013	341 333
2014	365 811

Vinmonopolet: Omsetningsoppgåve frå Vinmonopolet AS, i liter

År	Svakvin	Sterkvin	Brennevin	Alkoholritt	Øl	Sum
2008	139 704	1 564	38 913	255	3 154	183 590
2009	140 875	1 673	37 378	252	2 712	182 890
2010	145 125	1 612	37 207	277	2 720	186 941
2011	151 139	1 330	37 575	368	3 614	194 026

2012	156 210	1 389	37 421	411	4 087	199 518
2013	158 462	1 252	37 301	491	5 361	202 867
2014	164 498	1 256	37 676	598	7 097	211 125

Samla omsetning, i liter

År	Skjenking	Sal	Sum
2008	105 441	315 215	420 656
2009	107 304	476 958	584 262
2010	102 822	561 595	664 417
2011	115 881	368 254	484 135
2012	108 858	313 581	422 439
2013	102 438	341 333	443 771
2014	130 433	365 811	496 244

SKJENKELØYVE

Skjenkestad	Løyve	Merknad
Sogndal Hotell drift	Øl,vin,brennevin	Heile året
SISOF	Øl,vin	Heile året
Lægreid Hotell AS	Øl,vin,brennevin	Heile året
Hotell Mundal AS	Øl,vin,brennevin	Heile året
Fjærland Fjord Hotel	Øl,vin ,brennevin	Heile året
China House AS	Øl,vin,brennevin	Heile året
Brævasshytta AS	Øl,vin	Sommar
Hofslund Fjord Hotell	Øl,vin,brennevin	Heile året
Vesterland Feriepark	Øl,vin,brennevin	Heile året
Uteplassen DA	Øl,vin	Heile året
Knaken	Øl,vin,brennevin	Heile året
Sogndal Fotball AS	Øl,vin,brennevin	Lukka lag
Hjorten Kro	Øl,vin	Heile året

Sogndal Lodge & Guiding AS,	Øl,vin	Heile året
Sogndal Lodge & Guiding AS, Dampskipskaaien	Øl,vin	Heile året
Den Gode Nabo	Øl,vin,brennevin	Heile året
Kulturhuset	Øl, vin	Heile året, avgrensa område

SALSLØYVE

	Løyve	Merknad
Einarsen Mat AS	Øl	Heile året
NG Meny Vest AS	Øl	Heile året
Coop Vest SA Coop Prix Sogndal	Øl	Heile året
Rema 1000 Sogndal	Øl	Heile året
Coop Vest SA Coop Prix Kaupanger	Øl	Heile året
Coop Vest SA Coop Ekstra Sogndal avd.408 Coop Vest SA, Sjøkanten	Øl	
Vesterland Feriepark DA	Øl	Heile året.
Mundal & Vangsnes AS Joker Fjærland	Øl	Heile året
AS Vinmonopolet Amfi Sogningen	Øl, vin, brennevin	Heile året